

Program	Projekt	Naziv	Izvor finansiranja	1	2	3	4	5	6	7
Budžetski korisnici	K150112	Renoviranje i dogradnja arhivske zgrade						107.600	40.000	147.600
		Opći prihodi i primici						47.600	40.000	87.600
		Vlastiti prihodi						60.000		60.000
23		KANTONALNA UPRAVA ZA GEODETSKE I MOVINSKOPRAVNE POSLOVE						48.900		48.900
		Kantonalna uprava za geodetske i imovinskopravne poslove						48.900		48.900
	2008	IZMJERE I UPRAVLJANJE GEODETSKIM EVIDENCIJAMA						48.900		48.900
	K150314	Uspostava katastra nekretnina						48.900		48.900
		Opći prihodi i primici						10		10
"Razdjel		"Glava								
	23 01 0001									

IV. ZAVRŠNE ODREDBE

Član 7.

U stavu 3. člana 7. Budžeta broj „0,6%“ zamjenjuje se brojem „0,3%“.

Član 8.

Ovlašćuje se kantonalno Ministarstvo finansija da ispravi tehničke pogreške u tekstu Izmjena Budžeta Srednjobosanskog kantona za 2022. godinu.

Član 9.

Ove Izmjene Budžeta Srednjobosanskog kantona za 2022. godinu stupaju na snagu narednoga dana od dana objave u „Službenim novinama Srednjobosanskog kantona“, a primjenjivat će se za 2022. budžetsku godinu.

Broj: 01-02-690/22

29. juna 2022.

Travnik

PREDSJEDAVAJUĆI SKUPŠTINE

Josip Kvasina, s. r.

572

Na osnovu tačke j) člana 32a. Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

**U KAZ
O PROGLAŠENJU ZAKONA
O IZMJENAMA I DOPUNAMA ZAKONA
O IZVRŠAVANJU BUDŽETA
SREDNJOBOSANSKOG KANTONA
ZA 2022. GODINU**

I.

Proglašavam Zakon o izmjenama i dopunama Zakona o izvršavanju Budžeta Srednjobosanskog kantona za 2022. godinu, koji je donijela Skupština Srednjobosanskog kantona na XXVIII. sjednici održanoj 29. juna 2022. godine.

Broj: 01-02-691/22

29. juna 2022.

Travnik

PREDSJEDAVAJUĆI SKUPŠTINE

Josip Kvasina, s. r.

ZAKON
O IZMJENAMA I DOPUNAMA ZAKONA
O IZVRŠAVANJU BUDŽETA
SREDNJOBOSANSKOG KANTONA
ZA 2022. GODINU

Član 1.**(Izmjena)**

U Zakonu o izvršavanju Budžeta Srednjobosanskog kantona za 2022. godinu („Službene novine Srednjobosanskog kantona“, broj 1/22; u dalnjem tekstu: Zakon) Odjeljak C. mijenja se i glasi: „Odjeljak C. Preraspodjela sredstava“.

Član 2.**(Izmjena)**

Član 20. Zakona mijenja se i glasi:

„Član 20.

(1) Preraspodjela sredstava između budžetskih korisnika, u okviru odobrenoga Budžeta, iznimno je dopuštena, o čemu odlučuje Vlada Kantona na prijedlog Ministarstva finansija.

(2) Ministarstvo finansija može donijeti, na obrazloženi zahtjev budžetskog korisnika, jedanput tromjesečno, rješenje o preraspodjeli rashoda i izdataka budžetskog korisnika, a najviše do 10% ukupno odobrenih rashoda i izdataka za toga budžetskog korisnika na godišnjem nivou.

(3) Obim i vrsta rashoda i izdataka za preraspodjelu, u okviru odobrenoga Budžeta, utvrđuje se u okvirima kako slijedi:

a) plaće i naknade troškova zaposlenika u odnosu na ugovorene i druge usluge 17. razdjela, glave 02 i 03 – do 10% ukupno odobrenih izdataka;

b) izdaci za materijal, sitni inventar i usluge – do 10% ukupno odobrenih izdataka;

c) tekući transferi i drugi tekući rashodi – do 10% ukupno odobrenih izdataka;

d) kapitalni transferi – do 10% ukupno odobrenih izdataka;

e) izdaci za nabavku stalnih sredstava – do 10% ukupno odobrenih izdataka.

(4) Zahtjev za preraspodjelu sredstava iz stava (2) ovoga člana mora sadržavati obrazloženje kojim se na uvid daju razlozi za dodatnim sredstvima, odnosno mogućnosti za umanjenje sredstava na budžetskoj poziciji, te odgovaraajuću dokumentaciju kojom se potkrepljuju razlozi za dodatnim sredstvima.“

Član 3.

Član 21. Zakona briše se.

Član 4.**(Izmjena)**

U članu 22. Zakona stav (2) mijenja se i glasi:

„(2) Za obračunavanje plaća budžetskih korisnika, osim plaća nosilaca pravosudnih dužnosti, utvrđuje se osnovica u iznosu od 330,00 KM i bod u visini od 1,0, a primjenjuju se od 1. jula 2022. godine.“

Član 5.**(Izmjena)**

U članu 30. Zakona stav (1) mijenja se i glasi:

»(1) Sredstva utvrđena za 15. razdjel Budžeta, pozicije „Tekući transferi drugim nivoima vlasti i fondovima – poticaji privredi“, „Subvencije privatnim preduzećima i poduzetnicima – poticaji privredi (Fond za potporu preduzećima u završetku implementacije međunarodno priznatih standarda i kvaliteta)“ i „Subvencije privatnim preduzećima i poduzetnicima – poticaji privredi“ koriste se na osnovu programa koji odobri Vlada Kantona na prijedlog Ministarstva privrede.«

U stavu (5) istoga člana riječi: „Tekući transferi neprofitnim organizacijama – Ekonomsko-socijalnom vijeću za područje Srednjobosanskog kantona“ mijenjaju se i glase: „Ugovorene i druge posebne usluge – Ekonomsko-socijalnom vijeću za područje Srednjobosanskog kantona“.

Član 6.**(Izmjena)**

U članu 31. Zakona stav (10) briše se, a dosadašnji stavovi (11) i (12) postaju stavovi (10) i (11).

Član 7.**(Izmjena i dopuna)**

U članu 32. Zakona stav (1) mijenja se glasi:

»(1) Sredstva utvrđena za 17. razdjel Budžeta, pozicije „Tekući transferi drugim nivoima vlasti i fondovima – za kulturu“, „Tekući transferi pojedincima – za kulturu i nauku“, „Tekući transferi neprofitnim organizacijama – za kulturu“, „Subvencije javnim preduzećima – ustanovama – za kulturu“, Tekući transferi pojedincima – za informisanje“, „Tekući transferi neprofitnim organizacijama – za informisanje“, „Subvencije javnim preduzećima – za informisanje“ i „Subvencije privatnim preduzećima i poduzetnicima – za informisanje“ koriste se na osnovu programa koji odobri Vlada Kantona na prijedlog Ministarstva obrazovanja, nauke, mladih, kulture i sporta (u dalnjem tekstu: resorno ministarstvo).«

Stav (12) istoga člana mijenja se i glasi:

»(12) Sredstva utvrđena za isti razdjel Budžeta, pozicije „Tekući transferi pojedincima – za mlade“, „Tekući transferi neprofitnim organizacijama – za mlade“, „Subvencije javnim preduzećima – ustanovama – za mlade“ i „Subvencije privatnim preduzećima i poduzetnicima – za mlade“ koriste se na osnovu kriterija koje utvrdi Vlada Kantona na prijedlog resornoga ministarstva.«

Iza stava (15) istoga člana dodaje se novi stav (16) koji glasi:

»(16) Sredstva utvrđena za pozicije „Tekući transferi drugim nivoima vlasti i fondovima – za muzejsku djelatnost“, „Tekući transferi pojedincima – za muzejsku djelatnost“, „Tekući transferi neprofitnim organizacijama – za muzejsku djelatnost“, „Subvencije javnim ustanovama – za muzejsku djelatnost“ i „Subvencije privatnim preduzećima i poduzetnicima – za muzejsku djelatnost“ koriste se u skladu sa Zakonom o muzejskoj djelatnosti te programima koji odobri Vlada Kantona na prijedlog resornoga ministarstva.«

Stav (16) postaje stav (17), mijenja se i glasi:

„(17) Sredstva utvrđena u stavovima (6), (7), (10), (11), (12), (13), (14) i (16) ovoga člana izdvajaju se i raspoređuju

odlukama Vlade Kantona, na prijedlog resornoga ministarstva.“

Član 8.

(Izmjena i dopuna)

U članu 33. Zakona stav (5) mijenja se i glasi:

»(5) Sredstva utvrđena za isti razdjel Budžeta, pozicije „Kapitalni transferi drugim nivoima vlasti i fondovima – poticaji povratku prognanika, obnovi i razvitu“, „Kapitalni transferi pojedincima – poticaji povratku prognanika, obnovi i razvitu“, „Kapitalni transferi neprofitnim organizacijama – poticaji povratku prognanika, obnovi i razvitu“, „Kapitalni transferi javnim preduzećima – poticaji povratku prognanika, obnovi i razvitu“ i „Kapitalni transferi privatnim preduzećima i poduzetnicima – poticaji povratku prognanika, obnovi i razvitu“ koriste se prema propisima i programima koje odobri Vlada Kantona na prijedlog resornoga ministarstva.«

U članu 33. Zakona dodaje se stav (7) koji glasi:

„(7) Sredstva utvrđena za programe iz stavova (5) i (6) ovoga člana izdvajaju se i raspoređuju odlukama Vlade Kantona, na prijedlog resornoga ministarstva.“

Član 9.

(Izmjena)

U članu 34. stav (1) mijenja se i glasi:

»(1) Sredstva utvrđena za 19. razdjel Budžeta, glavu 01, pozicije „Tekući transferi drugim nivoima vlasti i fondovima – poticaji poljoprivredi (interventna sredstva)“, „Tekući transferi pojedincima – poticaji poljoprivredi (primarnoj poljoprivrednoj proizvodnji)“, „Tekući transferi pojedincima – poticaji poljoprivredi (interventna sredstva)“, „Tekući transferi neprofitnim organizacijama – poticaji poljoprivredi (interventna sredstva)“, „Subvencije privatnim preduzećima i poduzetnicima – poticaji poljoprivredi (primarnoj poljoprivrednoj proizvodnji)“ i „Subvencije privatnim preduzećima i poduzetnicima – poticaji poljoprivredi (interventna sredstva)“ koriste se prema programima koje odobri Vlada Kantona na prijedlog Ministarstva poljoprivrede, vodoprivrede i šumarstva (u dalnjem tekstu: resorno ministarstvo).«

Stav (4) istoga člana mijenja se i glasi:

»(4) Sredstva utvrđena za isti razdjel Budžeta, pozicije „Tekući transferi nižim nivoima vlasti i fondovima – poticaji vodoprivredi (interventna sredstva)“, „Tekući transferi pojedincima – poticaji vodoprivredi (interventna sredstva)“, „Tekući transferi neprofitnim organizacijama – poticaji vodoprivredi (interventna sredstva)“ i „Subvencije javnim preduzećima – poticaji vodoprivredi (interventna sredstva)“ koriste se prema programima koje odobri Vlada Kantona na prijedlog resornoga ministarstva.«

Stav (5) istoga člana mijenja se i glasi:

»(5) Sredstva utvrđena za isti razdjel Budžeta, poziciju „Subvencije javnim preduzećima – poticaji šumarstvu, za državne šume“ i „Kapitalni transferi javnim preduzećima – poticaji šumarstvu, za državne šume“ koriste se prema programu koji odobri Vlada Kantona na prijedlog resornoga ministarstva.«

Stav (8) istoga člana mijenja se i glasi:

„(8) Sredstva utvrđena za isti razdjel Budžeta, pozicije „Kapitalni transferi drugim nivoima vlasti i fondovima –

poticaji vodoprivredi“, „Kapitalni transferi drugim nivoima vlasti i fondovima – poticaji vodoprivredi (interventna sredstva)“, „Kapitalni transferi javnim preduzećima – poticaji vodoprivredi“ i „Kapitalni transferi javnim preduzećima (interventna sredstva)“ koriste se na osnovu programa koji odobri Vlada Kantona na prijedlog resornoga ministarstva.«

Stav (9) istoga člana mijenja se i glasi:

„(9) Sredstva utvrđena za 19. razdjel Budžeta, glavu 02, pozicije „Tekući transferi neprofitnim organizacijama“ i „Subvencije javnim preduzećima – poticaji šumarstvu za državne šume“ koriste se na osnovu programa koji odobri Vlada Kantona na prijedlog resornoga ministarstva.«

Stav (10) istoga člana mijenja se i glasi:

„(10) Sredstva utvrđena za isti razdjel Budžeta, glavu 02, pozicije „Kapitalni transferi javnim preduzećima – poticaji šumarstvu, za državne šume“ i „Kapitalni transferi privatnim preduzećima i poduzetnicima – poticaji šumarstvu, za privatne šume“ koriste se na osnovu programa koji odobri Vlada Kantona na prijedlog resornoga ministarstva.«

Stav (11) istoga člana mijenja se i glasi:

„(11) Sredstva utvrđena za programe iz stavova (1), (2), (3), (4), (5), (7), (8), (9) i (10) ovoga člana izdvajaju se i raspoređuju odlukama Vlade Kantona, na prijedlog resornoga ministarstva.“

Stav (12) briše se.

Član 10.

(Izmjena)

Član 35. Zakona mijenja se i glasi:

»Član 35.

(1) Sredstva utvrđena za 20. razdjel Budžeta, pozicije „Ugovorene i druge posebne usluge – za sufinansiranje nabavke ortopedskih pomagala ratnim vojnim invalidima“ i „Ugovorene i druge posebne usluge – za banjsko i klimatsko liječenje branilaca“ koriste se prema pravilniku koji donosi Kantonalna uprava za branioce uz saglasnost Vlade Kantona.

(2) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za zdravstvenu zaštitu branilaca i članova njihovih porodica“ koriste se prema pravilniku koji donosi Kantonalna uprava za branioce uz saglasnost Vlade Kantona.

(3) Sredstva utvrđena za isti razdjel Budžeta, pozicije „Tekući transferi pojedincima – za egzistencijalnu novčanu naknadu“, „Tekući transferi pojedincima – za jednokratne novčane pomoći braniocima i članovima njihovih porodica“, „Tekući transferi pojedincima – za sufinansiranje stambenog zbrinjavanja“, „Tekući transferi pojedincima – za pomoć u smrtnom slučaju“, „Tekući transferi pojedincima – za šehidske nišane i nadgrobne spomenike poginulim braniocima“ i „Tekući transferi pojedincima – za finansiranje ostvarivanja prava na osnovu promijenjene radne sposobnosti“ koriste se prema pravilniku koji donosi Kantonalna uprava za branioce uz saglasnost Vlade Kantona.

(4) Sredstva utvrđena za isti razdjel Budžeta, poziciju „Tekući transferi pojedincima – za stipendiranje – školovanje djece branilaca“ koriste se prema pravilniku koji donosi Kantonalna uprava za branioce uz saglasnost Vlade Kantona.

(5) Sredstva utvrđena za isti razdjel Budžeta, pozicije „Tekući transferi neprofitnim organizacijama – udruženjima

branilaca“, „Tekući transferi neprofitnim organizacijama – za izgradnju i uređenje mezarja i groblja“, „Tekući transferi neprofitnim organizacijama – za izgradnju i uređenje spomen-obilježja“, „Tekući transferi neprofitnim organizacijama – za manifestacije, obilježavanje značajnih datuma i sportske aktivnosti“, „Tekući transferi neprofitnim organizacijama – za izgradnju centara za psihosocijalno liječenje branilaca“ i „Tekući transferi neprofitnim organizacijama – za pravnu pomoć“ koriste se prema programu koji donosi Vlada Kantona na prijedlog Kantonalne uprave za branioce.

(6) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za zapošljavanje“ koriste se prema programu koji donosi Vlada Kantona na prijedlog Kantonalne uprave za branioce.

(7) Sredstva utvrđena u stavovima (1), (2), i (3) ovoga člana koriste se na osnovu rješenja Kantonalne uprave za branioce.

(8) Sredstva utvrđena u stavu (4) ovoga člana koriste se na osnovu odluke Kantonalne uprave za branioce.

(9) Sredstva utvrđena za programe iz stavova (5) i (6) ovoga člana koriste se na osnovu odluke Vlade Kantona, na prijedlog Kantonalne uprave za branioce.«

Član 11.

(Izmjena)

U stavu (1) člana 41. Zakona broj „4/10“ zamjenjuje se brojem „8/12“.

Član 12.

(Stupanje na snagu)

Ovaj zakon stupa na snagu idućega dana od dana objave u „Službenim novinama Srednjobosanskog kantona“, a primjenjivat će se od 1. jula 2022. godine.

Broj: 01-02-692/22

PREDSJEDAVAJUĆI SKUPŠTINE

29. juna 2022.

Travnik

Josip Kvasina, s. r.

574

Na osnovu tačke j) člana 32a. Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

U K A Z O PROGLAŠENJU ZAKONA O MUZEJSKOJ DJELATNOSTI

I.

Proglašavam Zakon o muzejskoj djelatnosti, koji je donijela Skupština Srednjobosanskog kantona na XXVIII. sjednici održanoj 29. juna 2022. godine.

Broj: 01-02-693/22

29. juna 2022.

Travnik

PREDSJEDAVAJUĆI SKUPŠTINE

Josip Kvasina, s. r.

575

Z A K O N O MUZEJSKOJ DJELATNOSTI

DIO PRVI – OPĆE ODREDBE

Član 1.

(Predmet Zakona)

Ovim zakonom uređuje se sistemsko istraživanje, prikupljanje, stručna i naučna obrada, čuvanje, zaštita i prezentiranje muzejske građe (u dalnjem tekstu: muzejska djelatnost) značajne za Srednjobosanski kanton (u dalnjem tekstu: Kanton) i općine na području Kantona (u dalnjem tekstu: općina), nadzor nad zakonitošću rada muzeja, kao i ostala pitanja značajna za muzejsku djelatnost u svrhu zaštite i promocije općeljudske i nacionalne kulturne i prirodne baštine.

Član 2.

(Značenje izraza)

U smislu ovoga zakona, pojedini izrazi imaju sljedeća značenja:

- a) **muzejska djelatnost** obuhvaća sakupljanje, zaštitu, istraživanje, komuniciranje, izlaganje i kupovinu civilizacijskih, kulturnih, materijalnih, nematerijalnih i prirodnih dobara u svrhu proučavanja, edukacije i uživanja, te njihovu stručnu i naučnu obradu i sistematizaciju u zbirke, kao i trajnu zaštitu muzejske građe, muzejske dokumentacije i muzejski prezentiranih baštinskih lokaliteta i nalazišta, te njihovo interpretiranje i prezentiranje javnosti preko različitih komunikacijskih oblika u stvarnom i virtualnom okruženju;
- b) **muzej** je javna ustanova ili organizacijska jedinica